

Դ .

Մըտիկ ցորենին արե՛ք, որ ի մէջն ի վար կիսած է.
 Շատ կէսն մարմինն է կերեր, եւ քիչ կէսն հոգւոյն դըրած է.
 Մարմին է դարձեր ու ցորեն ի յոտն կու տանի (?).
 Այնչափ առեւդիր կ'անեն, զիր մահուն օրըն չըգիտէ:

Ե .

Յաշխարհս ես ի ժուռ եկայ, չըգըտայ ըղորդ սիրելի.
 Ըզիսելքս ի վերայ բերի, զբազուկս արի սիրելի.
 Բանի բազկիկս ի բանի, շատ եղբայր ու շատ սիրելի.
 Բազկիկս ի բանէ ընկնի, ո՛չ եղբայր եւ ո՛չ սիրելի:

Զ .

Մարդն որ հասրաթով լինի ու չուզէ որ տունն աւիրի,
 Թող բոզէն ի գատ կենայ եւ գինուն ի պէլէն չընկնի.
 Ասողին լըսող պիտի, խուլ ի շուն զանգակ չըպիտի.
 Խուլ էշն յախոռն է կապած, խոշոր աչք ու լոյս ինք չունի:

ՀԻՆԳԵՐՈՐԴ ՏԱՂԱՇԱՐՔ

Ա .

Աւա՛ղ ու հազա՛ր բերան, թ'ինչ խելօք 'ի՛ անխելացայ.
 Բան ըզկաթն յըստակ էի, քան զգարնան ջուր պըղտորեցայ.
 Բան զասպապ ի ծալն էի, նա տըկուկ տըկուկ քակուեցայ.
 Բան զմարգրիտ ի շարին էի, չըմաժան՝ փողոց թափեցայ:

Բ .

Մանուկ այն մանկան կ'ասեմ որ ընտրե՛ գիայրենն ու ասէ.
 Չհայրենին դաթար ասէ որ յիւրըն ամօթ չըբերէ.
 Մարդիք կայ ի յայս ճերկաս որ կ'ասեն թէ բան չըգիտէ.
 Լեզուակ կայ այնոր բերանն որ դաթար ջորին չըբաշէ:

ՎԵՅԵՐՈՐԴ ՏԱՂԱՇԱՐՔ

Ա .

Արծիւն ու շահէն բազան հետ երամ կաթւին գընացին.
 Երամն ի յերամ խառնուաւ ու թըռաւ երամն ի մորին.